

ya kwa Pretoria mo go tse di rutiwang teng. O a elelediwa gore a se ka a lapa mo maikaelelong a mantle ao gore a itse Sezulu sentle.

Se sengwe ke se: **Moruti Christian Tiedemann** kanye le mohumagadi ba tla boela kwa Jeremane. Ka jalo tiro ya gagwe ya go dira mo mišenemg ya kwa Bleckmar e tla fela le thuso ya gagwe mo phuthegong ya kwa Pella, a boele mo tirong ya SELK. Re a mo eleletsa gore a tsewelele teng a ntse a tshogofadiwa ke Modimo mo tirong ya gagwe. Go a solofediwa gore go tla bidiwa le go bonwa moruti yo mošwa yo o tseweledisang tiro ya phuthego ya kwa Wartburg e e bidiwang Our Saviour.

Mofolegetsi

Ke lokwalo lo lo gatisitsweng ka Setswana, le go tshwaiwa ka gore ke Lefoko le le khutshwane mo matsatsing otlhe a ngwaga. Ke mafoko a ga Dr. Martin Luther a a fetoletsweng mo Setswaneng. Ga gatisiwa dikwalo tse di sekete, - 900 ka soft le 100 hard cover. Umf. Heinrich Dammann o kile a ntsha lokwalo lo lo ntseng jalo ka Sezulu. Le lona le sa ntse le ka rekwa mo seminareng. Le lona la Setswana lo rata go tsena mo metseng yotlhe ya ba diphuthego tsa kereke ya rona gore lo buisiwe mmogo le Beibele kwa go tshwarwang teng dithapelo phakela, gongwe maitsibowa lo nne kaelo e e tswang mo go tse di rutilweng ke Martin Luther. Ka dikopi tsa Mofelegetsi di bolokelwa mo seminareng ga kopiwa mo baeteleding-pele ba “Lutheran Heritag Foundation” ba ba tshageditseng kgatiso ya lokwalo loo ka Setswana, jaaka ba tshageditse kgatiso ya dikwalo tsotlhe tse di ntshitsweng jalo gore ba dumelele go lo rekisa gore madi a a bonalang ka thekiso eo e nne thuso mo seminareng, le go lebogela seminare, fa se bokola dikwalo tseo. Ba dumetse, le fa tse dingwe tse di neng tsa gatisiwa pele gore di abelwe fela. Tsona tsa Mofelegetsi di tla rekisiwa ka R 35 go nna thuso mo seminareng.

Pitso ya senoto sa Kereke ya Lutere mo Borwa jwa Afrika

e tla epiwa ka fa taletsong ya ga bišopo wa kereke le khuduthamaga gape kwa Wartburg ka December 8-11, e okamelwa ka Lefoko la Modimo le le kwadilweng mo go Jesaya 40:3.10, le le reng: **“Baakanyang tsela ya MORENA mo nageng! .. Bonang, Morena Modimo o e tla a le thata.”** Thulaganyo ya ditiro e setse e romilwe ka poso ya motlakase. Ke re: Ba ba kopiwang go bega, gongwe go ruta teng mo pitsong go buisa pampiri ba amogetse thulaganyo eo. A ba gopole gore rre bišopo o kopa go amogelwa dipampiri tseo, go ise go fele kgwedi ya Phatwe. Go ikaelelwa gore go buiwe ka ga dipampiri tseo mo di dipitsong tsa ditikologo tsa baruti ba bagolo, tse di tla epiwang fa pele ga December, gore go baakanyediwe pitso ya senoto sa kereke sentle.

Dikgang tse di Khutshwane - IziNdaba eziFingqiweyo

tsa Kereke ya Lutere- zekerike ngokobuLuthere

Phatwe 2014 (Setswana)

Go itumelwa mmogo le ba ba latelang, le go lebogwa Modimo mmogo le bone

Go na le ba le babedi ba ba tlhatlhobilweng fa pele ga batlhatlhoi baFELSiSA, e bong **balekwa Heinz Hiestermann, le Ronald Johannes**. Bazobizelwa mo diphuthegong tsa kereke ya bone go utlwa gore ba tla dira mo phuthegong efe, ba tlhomamisediwe boruti mo go tsona. Ba feditse nako ya bone ya go nna balekwa: Moruti Hiestermann kwa Kirchdorf, moruti Johannes kwa Lüneburg. Moruti Roland Johannes ke morwa wa moruti Christoph Johannes wa kwa Greytown. Rraagwe e ne e le Hugo morwa wa moruti yo mogolo Christoph Johannes. Moruti Heinz Hiestermann o tswa mo phuthegong ya kwa Wittenberg. Ka 17. 8. phuthego ya kwa Greytown e mmititse gore a tsene mo boemong jwa moruti Christoph Johannes yo o tla ikhutsisiwang.

Ba bangwe ke ba: **Moruti Dr. Elioth Sithole** yo o rwesitsweng kuane ya bongaka mo seminareng sa Fort Wayne, le **moruti Dr. Radikopo Philip Nsimane** yo o rwesitsweng kuane ya bongaka mo yunibesiting ya kwa Pietermaritzburg.

Ba bangwe ke ba: **Mma-moruti Angelika Weber**, mohumagadi wa ga rre bišopo Dr. Weber, o kgonne mo tlhatlhobong go amogela bongaka mo yunibesiting ya kwa Tshwane, le mma Liesel Beneke o na le tsholofelo, fa tiro ya gagwe e tla amogelwa mo yunibesiting ya kwa Wits go bona bongaka jwa gagwe. Ke mogatse molekwa Thomas Beneke yo o dirang e le molekwa mo tirong ya thomo mmogo le moruti Hugo Gevers mo phuthegong ya kwa Leipzig e go kopanang mo go yona baditšhaba ba ntsi ba ba tshabileng mo mafatsheng a bone a a buswang ke Bamohamed ba ba bogisang bakeresete mo go maswe. Mma-moruti Angelika Weber o ruta Sejeremane mo yunibesiting ya kwa Tshwane. Mma Liesel Beneke o ruta Seesimane mo sekolong sa baeng kwa Jeremane. Ka molekwa Thomas Beneke re na le tsholofelo, fa a tla tlhatlhojwa la bobedi mo tshimologong ya ngwaga o o tlang, a tle a boele mo lefatsheng la rona, a dire mo go LCSA.

Ka ga Tiro ya Thomo mo kerekeng ya kwa moseja e e bidiwang

“Selbständige Evangelische Lutherische Kirche (SELK) ka go direlana le mišene e e bidiwang Lutherische Kirchenmission (LKM)-(Bleckmar Mission) Ga bolelwa gore phuthego ya kwa Marzahn e e simolotsweng ke **moruti Hartwig Neigenfind** e tla dira moletlo wa go gopola gore tiro ya teng e

simolotswe pele ga dinyaga tse di 10 ka September 7. Ya re Moruti Neigenfind a sena go tswa mo tirong ya kereke, **moruti Hugo Gevers** o ne a itshwareletse mo phuthegong eo. O tla gololwa mo tirong eo ka moletlo oo gore **moruti Kirsten Burghard Schröter** a tsenngwe go nna moruti wa phuthego eo. Ene e bile ke moruti wa phuthego ya kwa Angermünde. Kwa Angermünde go dirile le baruti ba le babedi, ya re ba sena go boela kwa Jeremane, ba sena go dira dinyaga mo diphuthegong tsa Batswana ka kwano, e bong **baruti Manfred Nietzsche le Gerhard Heidenreich**. Moruti Gevers jaanong a re a sena go gololwa kwa Marzahn, o kgona gape go dira ka nako yotlhe ya gagwe mo phuthegong e a dirang mo go yona fa gare ga batshabi ba ba tshabileng kwa Iran kwa Leipzig. Le kwa Steglitz go simolotswe phuthego ya thomo kwa Berlin. Teng koo go dira **moruti Dr. Gottfried Martens**, o setse a phuthile ibandla elikhulu teng. Mo phuthegong eo go kolobediwa mo leineng la Modimo o o Borarobongwe fela jaaka go diragala kwa Leipzig ba ba tswang mo tumelong ya Bamohamed, ba ba tswang mo mafatsheng a a buswang ka baMohamed. Go setse go amogetswe ba le bantsi ba ba tshabileng mo mafatsheng a bone ka ntlha ya go bogisiwa mo go maswe ka ba ineetse go kolobediwa mo leineng la Modimo wa nnete. Pele moruti Dr. Martens e ne e le moruti mo phuthegong ya kwaBerlin-Zehlendorf, mme phuthego ya ata mo go kalo ka go amogela le go kolobetsa batshabi ba ba neng ba tswa mo mafatsheng a Bamohamed gore ba rulaganye ka go tswela ka tiro ya thomo mo gare ga Batshabi kwa Steglitz. Kwa Zehlendorf tiro e dirwa ke **moruti Markus Büttcher**.

Ka ga katlholo ya puso ya Bamohamed kwa Sri Lanka

Puso eo e atlotse gore Bakeresete ba se ka ba tlhola ba dumelelwa go bitsa Modimo wa bone ka leina le Bamohamed ba bitsang Modimo ka lona, ba re: Ke Allah. Katlholo eo e pateletsa bakeresete gore ba ntshe leina la ga Allah mo Beibeleng e e gatisitsweng ka puo ya teng, le mo dikwalong tsotlhe tse di ntshitsweng mo dikerekeng tsa teng, jaaka dikopelo, le Dikategisima. Fa go ntse go bonwa leina la ga Allah mo dikwalong tsa bakeresete badumedi ba teng ba tla atlholelwa molato o mogolo. Ka go utlwa katlholo eo ka re: Bamohamed ba ruta bakeresete jaanong bakeresete botlhe ba ba gopolang gore Allah wa Bamohamed yo o nang le moporofeti wa gagwe, e bong Mohamed ke modimo jaaka Modimo o o rometseng Morwaaona yo o tsetswe a le esi, e bong Jesu Keresete gore e nne motho ka go tsalwa ke Maria wa lekgarebe, le go swela batho ba merafe yotlhe mo sefapaanong le ka go tsosiwa mo baswing ka letsatsi la boraro. Le fa go ntse jalo, go na le ba ba latlang Bamohamed ba kwa Sri Lanka ka

ntlha ya katlholo eo, gonne ga ba rate go tiisa ka bobona, fa go na le Modimo o o osi fela o e leng Modimo wa nnete, e bong Rraagwe Jesu Keresete, o e leng Rara wa rona ba re o rapelang mo leineng la ga Jesu Keresete, Morena le Mopholosi wa rona.

Tsa FELSiSA

Pitso ya senoto sa FELSiSA se tla epiwa kwa Cape Town mo phuthegong ya bone, e le ka 27-28 September 2014. Phuthego ya teng ya laletsa gore pitso ya senoto sa bone e epiwe teng. E rata gore ditokololo tsa senoto tse di sa itseng phuthego ya teng di bone, fa ba le teng ba kereke ya bone, gonne diphuthego tse dingwe tsa bogologolo tsa FELSiSA di teng Kwa-Zulu-Natal le kwa Botlhabatsatsi le kwa Gauteng.

Tsa Seminare sa kereke ya rona kwa Tshwane.

Go lebosega go utlwa gore go na le barutwa ba ba tlhagang mo mafatsheng a a farologaneng ba ba amogetseng go rutiwa tsa Lokalwo lo lo boitshepo le Boipolelo jwa Kereke ya Lutere, ba tswa kwa go la ga etsho, kwa Swatsing, Botswana, Zambia, Tansania, Congo, Kenya, Uganda, Ruanda, Southern Sudan, Ethiopia, Nigeria, Ghana, le kwa Liberia. Mo mafatsheng otlhe ao go na le dikereke tsa Lutere, Gape mo mafatsheng ao ba itumetse go bona phatlha go tswaledisa thuto ya bona kwa Tshwane mo yunibesiteng ka maikaelelo go fetsa dikirii ya BA, MTheol, gongwe bangwe ba ne ba tswela go ithuta kwa Amerika go bona dikirii, jaaka DPhil., DMis. gongwe DD. Le fa go ntse jalo go na le se se ledisang, gonne teng go lelwa ka go gopola gore thobo ya Morena ke e kgolo, le selelo sa Morena, fa badiro ba tlhaetse ka metlha. Ka moo a go kopiwe ka metlha ka fa Lefokong la Morena, le le reng: **“Ka moo he, rapelang Morena wa thobo gore a romele badiro mo thobong ya gagwe.”**

Tsa Kereke ya Lutere mo Borwa jwa Afrika

Moruti Peter Weber o ne a bilediwa kwa Jeremane mmogo le ba ntlo ya gagwe, a dira teng dikgwedi dingwe, mme o boetse mo tirong ya gagwe mo phuthegong ya kwa Umhlangeni. Ka nako eo rre bišopo Dr. K. P. P. W. Weber ka dibeke tsa holide mo seminareng a itshwarelela mo diphuthegong tsa teng, a kopana le banna ba phuthego, le go tshwara ditirelo-Modimo tsa selalelo sa Morena ka Disontaga dingwe. Mo dibekeng tseo o ne a ineela mmogo le mmamoruti, le morwae go ithuta Sezulu. O rata go tswela ka go ithuta Sezulu mo sebakeng sa moletlo wa go gopola botsalo jwa Morena, a re: Dithuto tseo tsa mo thusa go ithuta godimo ga tse ba ithutang mo yunibesiting